



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

154.9
.H3
A4
1888


B 458470 DUPL

PROPERTY

*University of
Michigan
Libraries*

1817

ARTES SCIENTIA VERITAS



Leper *1-2-30*
King of Hawaii
1-2-30
Ku Nohoalii ana o ka Moi Kalakaua--Makahiki Umikumamailima.



HOIKE A KE KOMITE WAE

NO KE

KAHUA MAI LEPERA

MA

KALAWAO, MOLOKAI,

I KA AHAOLELO O 1888.

HONOLULU:

GAZETTE PUBLISHING COMPANY.

1888.



[The main body of the page contains extremely faint, illegible text that appears to be a list or a series of entries. The text is too light to transcribe accurately.]

Exchange
Library of Hawaii
1-8-36

RC
154.9
.H3
A4
1888

HOIKE A KE KOMITE WAE
NO KE
KAHUA MAI LEPERA
MA KALAWAO, MOLOKAI.

I KA MEA HANOHAHO WILLIAM R. CASTLE,
Peresidena o ka Hale Ahaolelo o 1888:

ALOHA OE: O ka poe nona na inoa malalo iho he Komite Wae o ehiku lala i koho ia e hele aku e nana i ke Kahua Mai Lepera ma Molokai, a hoike mai e pili ana ia wahi malalo o ka Olelo Hooholo Helu 19 i waiho ia mai e ka Mea Hanohano Kapaehaole, ke noi aku nei e ae ia mai e waiho aku i keia hoike mahope iho nei me kekahi poe e ae he umikumamalima ka nui, i hui ia me Kauka Kimball, Kauka Webber a me Kauka Bovin mai ka mokukaua *Vandalia* mai, me kekahi poe kakau nupepa. Ua haalele ke Komite ia Honolulu no ke kahua o na mai ma ka po o ka Poaono, Iune 23, maluna o *Likelike* i hoolimalima ia no ia hana, a ua hiki aku makou ma Kalaupapa ke awa e huli mai ana i Oahu nei ma ke kakahiaka nui Lapule, Iune 24.

He la malie loa keia, a oiai no ia kumu ua hiki i ke Komite e hele mao a maanei me ka pilikia ole, ua hiki ole nae ia lakou e ike a hoomaopopo i ke kulana o ua wahi nei iloko o ka manawa ua a makani i hoomaopopo ia mai he hiki pinepine ma keia wahi.

O keia wahi ua ike no paha ka hapa nui o na mea a pau aia ma kekahi aina i like me ka V kona ano e pili aku ana i na pali ma ka aoao makani o ka mokupuni. O keia aina he hookahi paha mile ma kona wahi nui loa a oia no ke kihi akau komohana o ka mokupuni e kokoke ana ia Oahu, a ua emi mai ka laula e like me ka moe ana o ka aina i ka hikina ma kumu pali, a hala he hookahi paha mile me ka hapa ua emi loa mai a he wahi one wale no a hiki aku i kekahi awawa uuku i kapa ia o Waikolu, a he nui ka wai ma keia wahi a me kanalima paha eka aina kanu kalo, a mai keia wahi mai i lawe ia aku ai ka wai iloko o na paipu ma kahakai a pii aku iluna a hiki aku i na aina e noho ia nei e na mai i loa ke kiekie mai ke kai ae mai ka 25 a hiki aku i ke 75 kapuai ma kela a me keia aoao ma kahi e ku nei na kulanakauhale o Kalapapa a me Kalawao. He luapele i pio e waiho ana mawaena o kela mau kulanakauhale elua a ua mahi nui ia ka aoao maloko e na kokua a me na mai lepera no ka malu paha o ia wahi mai ka makani mai. Oiai o keia wahi he wahi makani a hiki pinepine mai ka ua makai mai, eia nae he wahi maikai nae o ke ola kino o ka poe e noho ana malaila, ua hoike ia mai ia mea mamuli o ka maikai ana ae o ke ola kino ma ke ano nui o ka poe i lawe ia malaila. Ua hoomaopopo keia Komite pela ma ka ninau ana a me ka ike maka ana aku i kekahi poe i ike ia mamua aku e noho ana mawaho nei.

O kekahi poe o ke Komite i lele mua i uka, ua makai-kai mua aku lakou i ke kulanakauhale o Kalaupapa me ka hele ana aku i kela a me keia hale me ke kamailio pu ana me ka poe o ia mau hale a me ka nana ana i ko lakou mau wahi e noho ai.

I mea e hiki ai e hoomaopopo ia na mea i ike ia a

lohe ia e ke Komite ma na hale i hoike ole ia mai kekahi kumu hoopii a me na hale i hoike ia mai kekahi mau kumu hoopii, e hoike aku ana makou i kekahi mau mea i kamailio maoli ia a hana ia. O ka hale mua i komo ia e kekahi mau lala o ke Komite he 3 ka nui, oia no kekahi o na hale iloko o kekahi lalani hale loihi, o kekahi e ku hookahi ana a o kekahi he palua ka hale i kukulu ia iho nei e ka Papa Ola, e moe like ana a e huli ana na alo i kai ma Kalaupapa he 40 paha iwilei mai kai aku, e pa ana ka makani ma ke kua o ka hale. Ua loa aku ia makou iloko o keia hale kekahi hapa haole i kamaaina i kekahi mau lala o ke Komite he mau makahiki i hala aku.

Heaha ko mea i hiki mai ai maanei? ka makou ninau mua ia. O! (me ka aka) mai Kakaako mai au. Owai keia wahine opiopio me oe? O ka'u wahine no ia, ua loa oia ia'u ma Kakaako, a ua mare ia maua a hoi mai ianei.

Owai kahi au i makemake loa, o Kakaako paha o keia wahi paha? Ua oi aku ko'u makemake ia Kalau-papa nei, no ka mea, ua hiki ia'u e hele mao a maanei e like me ko'u makemake.

He mau mea anei kekahi au i hoohalahala ai e pili ana i ko oukou malama ia ana maanei? He nui anei ka ai a pela aku? He nui, aole a'u mea hoohalahala. Aole o'u pilikia ma keia wahi. Heaha kau hana e hana ai i hala ae hoi kahi manawa? Ua loa ka'u hana mai ke Aupuni mai, e kokua aku i ka Luna Nui ma ka malama ana i kana mau buke.

Olelo mai kekahi mai lepera haole e hele pu ana me ke Komite, e ninau aku oukou iaia he oiaio anei ua loa mau iaia kona paona paiai i kela a me keia pule? Aole anei he oiaio he pinepine ka manawa ua lohi loa

(4)

ka paiai a ua inoino ka ai mamua o ka hiki ana mai o ka ai hou, a mamua paha o ka pau ana o ka ai ?

Ae ! wahi a ua kanaka opio nei, pela no i kekahi manawa, alaila, pilikia makou.

Ike aku la ke Komite e kau mai ana he io bipi kaulai, ninau ke Komite. Pehea ka loa ana o ka io bipi ia oukou ?

He elua manawa i ka pule, ua ai ia kekahi i ka manawa hou, a ua malama ia kekahi a hiki hou mai ka la haawi bipi.

Pehea ka wahie ? Ua loa no ko makou wahie ma ka pali.

O keia ae la ke ano nui o na mea i kamailio ia. Ma keia hale he rumi hookipa, keena moe, lanai me ka rumi ma ka lanai, a ua hoolako maikai ia no kekahi home Hawaii. Ua ike aku makou he mau buke olelo haole ma ka rumi hookipa; o na lako hale a pau no na mai pono no ia mau mea.

Ma ka nana aku o keia hale a home, oia kekahi o na hale maikai ma ke Kahua Mai. O na hale hou iho elua a makou i kipa aku ai, oia no kekahi o na hale hou iloko o ia lalani hale hou i olelo mua ia ae nei, a ma ke alo iho o keia lalani hale ua hoomoe ia he paipu me na ki wai ma ke alo koke iho o kela a me keia hale. He hookahi o keia mau hale he poe wahine wale no ko loko, o kekahi poe o lakou aole i mare kane, a o kekahi hoi ua waiho i na kane mahope nei. He poe hou wale no lakou ma keia wahi. Aole a lakou mau olelo ia makou, a ua hele loa aku i kekahi hale i noho ia e na kane opio wahine ole. Aole a lakou mea hooalahala, o keia wale no, aohe paa pono o na hale ma kahi e pili ana i ke pili, a he anu ka poe mai i na po makani a ua. Ua lohe pinepine no makou i keia kumu hooalahala.

Hele hou aku no makou a hiki i kekahi mau hale, i ka nana aku ua ku malaila no kekahi mau makahiki, a ma keia wahi i loa ai ia makou he poe mai i noho loihi ma keia wahi, he liilii na hale a ua piha loa i na kanaka. Ninau aku makou, heaha ka mea e noho ai a nui loa iloko o ka hale hookahi, heaha ka mea i hoi ole ai iloko o na hale kanakaole a makou ike mai nei? He aka wale no ka lakou a pane mai la: "He poe makou ua aloha ka noho ana, a ua makemake no e noho pu."

Ua kamailio loihi makou me kekahi kanaka mai mai Waimea, Kauai mai, a ua noho oia ma keia wahi he elima makahiki me kana wahine, ma ke ano he kokua. Aole no i ino loa kona mai i ka nana aku, aka, ua hiki no e ike ia aku ua puka no ka mai iaia. Ninau aku makou iaia, ina he makemake kona e hoi hou ma Waimea, ina he hiki. Pane mai oia: Aole o'u make-make e hoi, ua oi aku ka maikai o ka malama ana o ke Aupuni mamua o ka ohana. Ua noho paa au ma keia wahi a ua loa na hoa'loha maanei, ua lako i na mea e makemake ai; a ma keia wahi aohe poe hookae mai ia'u no kuu loa i keia mai. Ninau aku makou, nawai e kii i ka wahie? Pane mai oia, na'u no mamua, aka, mahope mai ua nui ko'u eha i ka pohaku, nolaila, ua hoolimalima ia ka mea nana e kii ka wahie; he elua o'u mau lilo a me ka lio e kii ai i ka wahie. I keia manawa ua hele mai kekahi kanaka ua akaka loa kona mai, e kau ana he wahi keiki uuku maikai maluna ona. Ninau aku la makou nawai ia keiki, hai ia mai na kekahi wahine e noho ana ma kekahi hale e kokoke mai ana. I ko makou hele ana aku loa aku la ua wahine nei iloko o kekahi wahi hale uuku inoino loa, a kamailio aku iaia no ua wahi keiki nei, a me ke kule-ana e loa ai iaia he ola ma kahi kaawale mai keia

wahi aku. Pane mai oia, he elua ana mau keiki o ia ano, a he makemake no oia e lawe ia a elua ina e ae ana ka Papa Ola.

O ke noi wale no ma keia kauhale, oia no, e hoomoe loa ia aku na paipu wai a hiki i ko lakou wahi. Ma kekahi hale ua hai mai na wahine (he poe hou mai) aole a lakou mea nana e kii i ka lakou a paiai a io bipi ma Kalawao a oia wale no ko lakou pilikia a aole no o lakou mau lio e hiki ai e kii pono. Ma kekahi wahi okoa aku ua halawai kekahi mau lala o ke Komite me kekahi kanaka mai lepera a ua hai mai oia oia ka ka mai kahiko loa e noho nei malaila, oiai ua noho oia malaila he aneane iwakalua makahiki a he kanakolukumamawalu makahiki o kona loa ana i ka mai. Olelo mai kekahi poe e ku mai ana ua oi aku ka mahiai ana o keia kanaka mamua o kekahi poe. I ka manawa i ninau aku ai o kekahi lala o ke Komite iaia i kona manao. Ua pane mai oia o kana mea wale no i makemake ai ina e make kekahi mai lepera me ka pau ole o kona \$10 ma ka halekuai o ke Aupuni i haawi ia i kela mea keia mea mai lepera e ae ke Aupuni e haawi ia ke koena i ka poe pili a hoa'loha paha o ka mea i make ma ia wahi. Ua halawai kekahi mau lala o ke Komite me ke kanaka mai lepera mai Waimea Kauai mai nana i lawelawe oiai oia e hopu ia ana i ka pu. Ua hai aku oia i ka Lunamakaainana mai Waimea, Kauai mai ua oi aku ka maikai o keia wahi mamua o ka mea ana i manao mua ai a ua palapala aku oia i na mai lepera ma Waimea he maikai keia wahi a ua oi aku ko lakou pono e hele mai. Ua ike a hana ia keia mau mea i hai ia ae nei oiai e hele ana na lala o ke Komite ma kela a me keia wahi o ke kahua mai a ua hoike ia paha ke ano a me ke kulana o ka noho ana ma keia wahi ma ke ano i oi ae ke akaka mamua o ka

hoike maoli ana aku o ke Komite ma ia mea. I ka nana aku ua ano oluolu a maikai ka noho ana o na kanaka ma keia wahi. Ua hoike mai lakou i ko lakou mau hemahema me ka manao a me na olelo oluolu, a aole i ike ia aku kekahi mau mea e manao ia aku ai ua hoonauiuki a hooalahala paha lakou i ko lakou noho ana ma ke ano nui koe wale no iwaena o na haole, a e kamaailio aku ana makou no lakou mahope ae nei.

He elua mau halawai i malama ia e keia Komite ma keia wahi, he hookahi ma Kalawao a he hookahi ma Kalaupapa. Ma keia mau halawai no a elua ua koho mua no na mai lepera i mea nana e kamaailio ma ko lakou aoao a nana i hoike mai i keia mau noi mahope ae nei i hooholo ia e na mai ma kekahi mau halawai i malama mua ia no ka manao e hiki aku ana ke Komite.

Ua noi ia mai na noi ma Kalawao a o kekahi ma Kalaupapa a o kekahi no hoi ma ia mau wahi no a elua.

1. E haawi wale ia ka wahie i na mai lepera.

2. E kuai ka Papa Ola i mokumahu uuku i mea hali-hali pa-iai mai kela aoao mai o Molokai a hiki i Kalaupapa a aole i Waikolu elike me ia e hanaia nei.

3. E kukulu ia i hale lolo bipi hou ma Kalaupapa oiai he loihi loa ka hale lolo bipi ma Kalawao mai Kalaupapa aku.

4. Ina ua loa ke kane a i ole ia o ka wahine paha i ka mai, alaila, e hele pu no me ke kane a i ole ia me ka wahine paha ma ke ano he kokua.

5. E ae ia kela a me keia mai e lawe pu i hookahilio.

6. E haawi ia ka \$10 a ke Aupuni e haawi nei i na pepa i ka hale kuai ma ke dala maoli, a i hookahi haawi ia ana i ka makahiki.

(8)

7. E hoihoi hou ka Papa Ola i ke dala i uku ia aku e na mai lepera no ka wahie.

8. E hooloihi ia aku na paipu wai a hiki i na hale i loa ole i keia manawa.

9. E hoopau ia ka Peresidena o ka Papa Ola, a e hoonoho ia o S. M. Damon ma kona wahi.

10. E hoomahuahua ia ka haawina kukaepeler a hiki i ka 1 grosa i ka mahina.

11. E hoomahuahua ia ka haawina sopa a hiki i ka hookahi auka i ka mahina.

12. E koho ia i Lunakanawai no ke kahua mai lepera.

13. E kukulu ia i hale kula no na keiki.

14. E hoomakaukau ia i kaa kupapau no ka poe make ma Kalaupapa.

15. E kukulu ia i hale leta ma ke kahua mai a mailaila aku e hooili ia ai na eke leta.

16. E hoouna ia i kanaka akamai a makau ole i ke kahua mai lepera.

I ka hoi ana mai o ke Komite i Honolulu ua kauoha aku lakou ia Mr. Meyers (i mai i ka manawa a ke Komite i hiki aku ai) e hele mai i Honolulu nei e halawai pu me ke Komite a hoike mai i ke Komite i kona manao e pili ana i na mea e noonoo ia ana e lakou.

Ua hiki mai o Mr. Meyers a ua halawai pu me ke Komite a kuka pu me ia no ia mau mea.

He nui no na mea lili i hiki i ke Komite e hooholo me ka nui ole o ka hana.

Mamuli o ko ke Komite huli pono ana ua manao lakou he mea pono e hoomahuahua ia ka haawina kopa i hookahi auka i ka mahina no kela a me keia mai lepera e like me ka mea i noi ia mai. A pela no hoi me ka haawina lole i like me \$10.00 ma ka hale kuai e

haawi ia i ka manawa hookahi i kela a me keia makahiki iloko o na mahina anu aole hoi i elua haawi ia ana e like me ia e hana ia nei, a e hoomakaukau ia i kaa kupapau no Kalaupapa e like me ka mea e hana ia nei ma Kalawao. Ke manao nei ke Komite he mea naauao ole ka ae ana aku i ka poe mai e lawe i ko lakou haawina ma ke dala maoli, no ka mea e hoolilo ana kekahi poe i ke dala ma na mea e pono nui ole ai lakou a noho ia me ka nele loa i na mea e pono maoli ai.

Ua hoomaopopo ke Komite ua nui no ka haawina kukaepale i keia manawa ina e inalama pono ia ana e ka poe mai.

E kali ka hoonoho ana i Lunakanawai me ka Hale Leta ma ke kahua mai lepera a hiki i ka manawa e loa ai i ka Papa Ola he Luna Nui e noho paa malaila.

O ke noi mai ka poe mai mai e ae ia kela a me keia e lawe aku i hookahi lio malaila, he mea keia nana i hoolulu ae i na ninau ano nui. He 708 ka nui o na lio malaila i keia manawa, o kekahi poe mai ua hiki aku ka nui o ko lakou mau lio i ka 15. O keia nui loa ana o na lio he ino keia i ulu liilii ae—i keia manawa ua pau i keia poe lio ka mau i manao ia ina e hanai ia i ka bipi e like ana me \$2,000 i'o bipi i ka makahiki hookahi. Ua akaka no aole i hoohana ia keia mau lio i ka hapanui o ka manawa. Ua hana ka Papa i mau mea e pale aku ai i ka hoomahuahua hou ia ana o na lio a ua papa ia ka lawe hou ana aku malaila o na lio. He elua hana o na lio malaila, oia hoi keia: i mea hooholo-holo lealea a hoolulu no ka poe mai, a i mea e kii ai i ka lakou ai ma Wuikolu a i kii ukana a pela aku i Kalaupapa a mea kii wahie. Ua loa no he kuleana i ka poe hou akahi no a lawe ia aku malaila e hoohala-

hala ai i na lakou e manao ia ana e hele i Waikolu i ka lakou ai, i Kalawao i ka lakou bipi a i ka pali i wahie na lakou he mea pono e ae ia lakou e lawe pu aku i lio no lakou. Na ke Aupuni e hoolako aku i na mea e hiki like ai i na mea a pau e kii i na mea i olelo ia, a ina aole e hiki i ke Aupuni alaila e ae ia na mai e hoolako ia lakou iho me ka mea e hiki ai. Ke manao nei makou he kumu maikai keia e pono ole ai ka lawe ia ana o ka lio i loa mua i ka mai a me ka hoole ana aku i ka poe hou aole e lawe mai i lio no lakou, aka i na e hiki ana ka nui o na mai i ka 1500 ma ke kahua mai he mea maopopo aole e hiki ana e malama lakou i hookahi lio pakahi, he hoopau mauu a makehewa wale no ia hana, he hiki wale no e hana ia e na lio he 25 ina e hoohana pono ia. Nolaila ke hoike aku nei ke Komite i ko lokou manao na ka Papa Ola e lawelawe i ka halihali ana i na mea kupono ma ke kahua mai lepera, oia hoi keia, ke pai-ai, ka i-o bipi a me na mea e ae e haawi ia ana i na mai e halihali ia e ka Papa Ola a hiki ma kekahi wahi kupono ma Kalawao a me Kalaulapapa, a e hooikaika mau ka Papa ma na ano kupono a pau e pale aku i ka mahuahua nui ana o na holoholona i ona ia e ka poe mai a e hoemi aku i ka nui o ia mau holoholona.

No ke noi i mokumahu nana e lawe aku ke pai ai aole hoi na waapa e lawelawe ia nei i keia manawa. Ua ulu ae keia noi mamuli o ka ike ia ana iloko o ka manawa ino i kekahi manawa aole hiki mai o na waapa a ua nele ka poe mai i ka ai no kekahi manawa a no ka mea no hoi ina he mokumahu ua hiki ke lawe loa ia ka ai a hiki i Kalaupapa, a ina hoi ma na waapa e hiki wale ana no i Waikolu, a aia ia wahi ma kekahi aoao loa o ka aina o na mai lepera, a aia hoi o Kalaupapa ma

kekahi aoao, a nolaila, ua loihi loa kahi e hele ai na mai malalo e kii i ka lakou ai. Ina e lawe ae ana ka Papa i ka halihali ana i na mea ai a me kekahi mau ukana e ae e like me ka keia Komite i hoike mua aku nei e pau ana kekahi kumu o keia noi ia ana mai. No ka manawa ino, ke manao nei keia Komite he mea pono i ka Papa Ola e malama i palaoa kalo i mea e loa ai i ka poe mai ka ai kupono iloko o na manawa e hiki ole ae ai ka paiai no ka nui o ka ino, a ke manao nei makou he mea pono no ina ua ae ka poe mai e haawi ia aku ka palaoa kalo ma kahi o ka paiai, no ka mea, ua oi aku ka maikai maemae a emi o ke kumukuai a he loa i na manawa a pau. Ua noi mai kekahi o na mai i keia ano palaoa a ua hoomaopopo ia mai ia makou ua kauoha o Mr. Meyers e malama ia ma ka halekuai o ke Aupuni.

Ua hoike ia mai ia makou e hooholo aku ana o Mr. Kahanu ka mea iaia ka aelike no ka hoolako ana i ke kahua mai me ka ai, i kahi mokumahu ia Viva i kapa ia mamua o "Ivy Holmes" ma ka hana i noi mai ai. Nolaila, ke manao nei keia Komite e hiki ana no i ka Papa Ola e hooko aku i keia hemahema o na mai me ka hoolilo dala ole no ke kuai ana i mokumahu. No ka mea, e pili ana i ka hooloihi ana aku i na paipu wai a hiki i na hale i loa ole i keia wa ke manao nei ke Komite ma na wahi i kaawale loa ole aku na halemai ka paipu wai nui aku he mea pono e ae ia aku keia noi no ka mea, he nui loa kekahi o keia poe i kukulu i ko lakou mau hale malalo o ko lakou mau lilo pono ma na wahi i kuhikuhi ia e ka Papa Ola mamua aku o ka manawa i noonoo ia ai o keia mau paipu wai.

O ke noi e haawi wale ia ka wahie i na mai ua lilo ia i ninau hoopilikia nui i ke Komite ma ka noonoo ana. Ma ka hoomaopopo maoli ana iho aole no he mau kumu

nui e makemake nui loa ia ai ka wahie paakiki ma ke kahua mai lepera. Ua moa mua no ka ai a o kahi wahie i makemake ia oia no ka hana i wai wela hoomoa i ka io bipi a ia e ae paha a ua lawa no i na ano wahie ano palupalu e kokoke mai ana. Aole e pono i ka Papa e hoolako aku i ka wahie me ke kumukuai ole, no ka mea, he mea ia e hoomaunauna wale ia ai.

Eia no nae he mea paakiki a kaumaha no hoi i kekahi poe mai ka hele ana i wahie na lakou ma ka pali, a ua lilo no hoi i kumu e malama ai i lio. Ua olelo ia mai he mea maikai e loa kekahi wahi hana no na marina ka e lawe ia aku na kumu a pau e hooikaika kino ai lakou he mea ka ia e pono ole ai, a ma kekahi aoao hoi ua hooikaika ia mai ua loa i ke kahua mai lepera he inoa ino mamua a ua ulu ae ka hapanui o ia ino i olelo ia mamuli o ka hiki ana aku o na mai malaila me ka makamaka ole a ua ike iho la lakou e hoomaka hou ana ka lakou e hana i home no lakou a he uuku loa kahi kokua ana mai o ke Aupuni mawaho ae o na mea hemahema maoli. Ua hiki no paha ia ano hana no kekahi poe uuku, aka, he mea maopopopo na ia mau hana i haawi aku ka inoa ino i ua kahua mai nei.

Ua lawe liilii ae ke Aupuni nana e hana i kekahi mau hana a hiki i keia manawa eia oia ke ku nei mawaenakonu o ke ano kahi ko o ke waiho ana aku na ka mea mai e malama iaia iho a me ke ano na ke aupuni aku na mea a pau loa. O keia hana ana ma ke ano hapa i kekahi manawa ua oi aku ka lilo mamua o ka lilo ina na ke aupuni e uku i na mea a pau. Peneia mamua ua oi io paha ka emi o ka ae ana aku e malama ka poe mai i mau lio a na lakou no e kii i ka lakou paiai, aka, i keia manawa ua like ka lilo me ka hanai ana i na lio he 700 no ia mau hana. He nui ka lilo e pili ana i na haawina

ai. O ka haawina ai ua hoomaopopo ia ka nui e lawa ai ke kanaka kino ikaika, aka, he nui loa o na mai he poe aole i hiki e ai i ka hapalua o ka lakou haawina ai a o ke koena ua pau i ka ai ia e na kokua he poe i manao ia e hanai ana ia lakou iho, a me na holoholona i hanai ia, a pela aku. Ke manao nei keia Komite ua oi aku ke emi ina e hoakea aku ana ka Papa i ko lakou malama ana a ma ia ano e hoopau ia ai ka manao kue loa o kekahi poe i ka hele aku i ke kahua mai lepera. Nolaila, ke manao nei keia Komite he mea pono e hoolako aku i na mai me ka wahie no ke kumukuai emi loa.

Aole i manao ia ma keia aole e hana na mai me na kokua a ohi paha i ka wahie, aka, e hana no malalo o ke Aupuni ina he hiki. Malalo o ke ano e hana ia nei na kela a me keia mea e ohi i ka wahie nona ponoi iho e like me ka mea hiki iaia, aka, ke manao nei ke Komite he pono na ke Aupuni e ohi mai a haawi aku i ka wahie i na mai.

He mea pono e hoomaka ia ke kanu mau ia ana o na laau ma ke kahua mai lepera. O ka hemahema nui loa o keia wahi oia no ka nele i ke poo ole. O Mr. Meyers mahope o ka hana ana me ka hoopono a hooikaika nui no na makahi loihi malalo o ke Aupuni, ke ike nei oia i kona ano nawaliwali mamuli o ka elemakule a ua aneane hiki ole iaia i keia manawa e hooponopono kino aku i na hana o ke kahu mai lepera e like me mamua a i kupono no hoi e loa i keia wahi. Ua hoomaopopo ia no kekahi manawa i hala ae nei, ua makemake oia e haalele, aka, ua hoomanawanui no nae ma ke noi ana aku o ka Papa iaia.

He mea kupono loa e loa i Luna Nui noho mau ma keia wahi. Ua hoomaopopo ia ia mau mea e ka Papa Ola, a ke nana a ini ia nei i kanaka kupono ma ia wahi.

O na kaikuahine o ke aloha e noho aku ana malaila, maloko o ka home no na wahine i hoomakaukau ia mamuli o ka lokomaikai o Mr. C. R. Bishop, e lilo aku ana ia he mea hoopomaikai nui i keia wahi ma ke kokua nui ana ma ka aoao o ka pono me ka maluhia. O ka halemai e ku nei malaila, he hale kupono ole a inoio, eia nae ua oi ae kona maikai i keia manawa i ka hana hou ia ana iho nei o kekahi keena nui a malamalama no ka poe mai. E like no me ka Mr. Meyers i olelo mai ai o ka halemai aole ia he wahi e hele aku ai na mai a make malaila; aka, he wahi e lapaau ia ai me ka malama pono a loa ka oluolu ia lakou. I mea e hiki ai ka malama ia ana o kekahi wahi o ia ano he mea pono e loa ka poe ike i ka malama ana i ka poe e like me na na kaikuahine e hoi aku ana malaila, ma keia mua koke iho. Ua noonoo iho nei ka Papa no kekahi manawa i ka pono o ke kukulu ana i haleaina no ka lehulehu malaila me ka halekuke i wahi e hiki ai i na mai e makemake ana e kii i ka lakou ai malaila, e kii aku me ka lawe ole i ka haawina ai a kuke pono iho. Ua hai mai o Mr. Meyers i keia Komite e hana ia aku ana kekahi hale o keia ano ina e ikeia ana e holopono ana, alaila, e hana hou ia ana he mau hale o keia ano ma na wahi e ae o ke kahu mai lepera. Ke manao nei oia he mea paha ia e pau ai ka ninau e pili ana i ka wahi a he mea hoi e pale aku ai i kekahi mau hoomaunauna wale ia ana o ka ai e ike ia nei ma ka haawi ia ana o ka haawina ai no kela a me keia mea mai.

O ka ninau e pili ana i na kokua he mea pohihihi no ia. O kekahi hapanui o ke kua e ike ia nei i ka hoo-kaawale ia ana o na mai lepera ua loa mai no ia mamuli o ka hoo-kaawale ana i na kane mai na wahine aku i kekahi manawa mahope iho o ka noho loihi ana

ma ke ano kane a wahine a ua hilinai aku kekahi i kekahi no ka oluolu a maikai o ka noho ana. Ke manao nei keia Komite ua ike maopopo ia ma ka moolelo o keia mai he nui na kane a i ole ia na wahine i waiho ia mawaho nei ua loa no i ka mai me ka hoike ole ia ae nae mawaho o ke kino, a na ia mea i hoolaha aku i ka mai i ka poe ana i noho pu iho ai mahope nei. Ke manao nei keia Komite he mea pono i ka Papa Ola e hooluolu i ka rula e kau nei i keia manawa e hookaa-wale ana i kekahi mau mea i mare ia ina ua loa kekahi o laua i ka mai lepera a ma ke ano mau o na mai e ae aku e hele pu no laua me ka hoi ole mai nae, a nolaila, ke hoike aku nei keia Komite he mea pono e hooholo ia ka Bila Kanawai i huipu ia me keia hoike e hoakaka ana o ka poe kokua ma ke kahu mai lepera i lilo i mau kokua mamuli o ko lakou makemake pono iho ua loa lakou i ka mai a aia no lakou malalo o ka mana o ka Papa Ola e like no me ka poe i loa maoli no i ka mai. Ua waiho ia mai keia bila ma ke ano he pani no ka Bila Kanawai o ka Hon. Paehaole, e pili ana ia mea hookahi no.

He mea akaka aole no i mahalo na mai haole a pau loa i ke kahu mai lepera a ma ka nana ana o ke Komite ua loa no he mau kumu kupono e hoohalahala ai. Aole makau i olelo ae pela me ka manao hoahewa wale aku. Ua kokua ia aku ka hapanui o na mai lepera haole mai waho aku nei, a nolaila, ua ano maikai no ko lakou noho ana, aka, o ka poe o lakou i loa mau ole aku na kokua ia ana e ko waho aku nei poe he nui ko lakou pilikia. Ua ulu mai ka pilikia, mamuli o ka makemake ole e hoano e ia ka hana ana e pili ana i na mai kanaka maoli a me na mai haole ma na mea e pili ana i na haawina ai, na hale a pela aku. Ua imi o Mr.

Meyers i mau mea e loaa ai ia lakou na mea i maa i na haole ma kekahi mau ano e ae.

Eia kekahi mea e ike ia ai ka hemahema a pilikia o na haole ma ke kahua mai lepera. Aole i haawi aku ka Papa Ola i ke ki a i ole i kope i ka poe mai. Ua manao ia keia mau mea iwaena o na haole he mea hiki ole ke waiho ia, aka, ua manao ka Papa aole he mea naauaoa ka haawi ana i keia mau mea ia lakou me ka haawi pu ole aku i na kanaka Hawaii kekahi. Oiai i ka manawa he uuku wale no na haole malaila, ua hiki no e haawi ia he mau wahi hana ia lakou e hiki ai ia lakou e imi a loaa kekahi mau mea e pono ai ko lakou noho ana, aka, ke manao nei ke Komite he mea akaka ole ia no ka mea e like me ka pii ana ae o ko lakou heluna a me ka hiki ae o kekahi poe i nele loa i ke kokua ia aku mai waho aku nei pela i emi loa mai ai na mea e loaa ai ia lakou. Ua kokua no kekahi o na Ahahui Manawalea i ko lakou poe e noho nei malaila. Ua like no ka manao o keia Komite me ko ka Papa he hana naauao ole ka hana ole ana a like na haawina ai o na kanaka maoli me na haole, a nolaila, ke manao nei lakou o ka mea maikai loa e pau ai o keia pilikia e lulu na kanaka o na aina e, e noho nei maanei i kekahi puu dala e hoolilo ia aku ma ke ano kokua i na haole e noho nei ma ke kahua mai lepera a e noho aku ana paha malaila ma keia hope aku me ka nana ole ia o ka lahui a me ke ano hoomana o kela a me keia. Ua oi aku ke emi o ka lilo o na haole ina ma keia ano e hana ia ai mamua o ka hana ana a kau ana i mau auhau hou iho i mea e kua ai na lilo hou i manao ia'aku ai o ka hana like ole ana iwaena o 1500 poe mai no ka pono o 20 a 30 paha mau haole i maa i ka noho ana ma ke ano okoa mai ko na kanaka maoli. He mea maopopo ina aole e

kokua mai ana na haole i keia mea, alaila, e imi aku ana ka Papa i mea e pau ai o keia pilikia, aka, ke manao nei keia Komite e lokahi mai ana na haole o na ano a pau me ka oluolu i ke kokua ana i mea e hoemi ia ai ka pilikia o ka noho ana o kekahi poe o ko lakou lahui pono i waiho ia aku ma kahi e hoola ae ai i ko lakou mau manao aloha.

Ua noi mai na mai e hoopau ia ka Peresidena o ka Papa Ola a e hoonoho ia o S. M. Damon ma kona wahi. He mea maopopo loa me ke kanalua ole ia aole no i makemake nui ia o Dr. Emerson, aka, aole i ike keia Komite ua hana hewa oia iloko o ka lawelawe ana i kana mau hana ma ke ano Peresidena, a oiai no he mea minamina ka ike ia ana o keia kue i keia keonimana ke manao nei nae keia Komite ua ulu nui ae no keia kue iaia mamuli no o na hana ano kaumaha i haawi ia nana e hana, a ina no e hoonoho ia aku ana he mea hou malaila e kue ia ana no oia ina oia e hana a hooko pololei ana i kana hana. E like me ka hoonoho ia ana o ka papa i keia manaw ua pau ka loa ana o ka mana pono i ka Peresidena. Aole hiki iaia ke hana i kekahi hana me ke kuka pu ole a me ka ae mai o ka Papa Ola a o kekahi lala o ka Papa oia no o S. M. Damon ka mea a na mai e noi mai nei e hoonoho ia ma ko Dr. Emerson wahi. Eia no hoi keia he uuku loa ka poe e ae ana e lawe i keia wahi a hooili ia maluna o lakou na hoino ia ana o ia oihana ina no he nui ka uku. Nolaila, ke manoa nei keia Komite aole he mea pono e hana aku ka Ahaolelo i kekahi hana hou e pili ana i keia noi.

Ke manao nei keia Komite he mea pono e hoonoho ia ma ke kahua mai lepera he kauka noho paa i akamai ma ka lapaa ana i na mai lepera.

